

# تهرانداکی "قانون" گونده لیگینده یازیلیمیش "سخنان ضد ملی در صدا و سیمای به ظاهر ملی!" ادلی یازییا باخیش

بیلیندیگی کیمی ایران ممالیکی محروسه سینده دیل و مدنیت باسقیسی، فارس اولمایان دیل و مدنیتلری کیچیمسمک و بو دیلدرده دانیشانلاری تحقیر ائتمک آذربایجان مشروطه حرکاتی نین یئنیلمه سی و فارس ملیتچیلیگی نین "ایرانیت" آدی آلتیندا بو ممالیکی محروسه یه حاکیم کسپلمه سی ایله اورتایا چیخمیش. بو اساسدا بوگون جمهوری اسلامی حوکومتی نین قورولوشوندان قیرخ ایل کئچمه سینه باخمیاراق ایسلام آدینا حاکیم اولموش فارسلیق حاکیمیت سیستیمی اؤز آنا یاساسیندا (قانون اساسیده) قبول ائتدیگی فارس اولمایان دیلدرین مدرسه لرده اوخونماسیندان بویون قاچیرار. بئله لیکله ایسلام و راسیستلیگی بیربیرلرینه ترس گوون آذربایجان تورکلوگو ایسلام آدینا حاکیم اولموش فارس ایستعمارچیلیغینی سورقو و سوال آلتینا چکمگه باشلارکن فارس مدنیت راسیستلری فارس اولمایان توپولملاری فارسلیقدا یوخ ائتمکدن ممنون اولدوقلارینی فارس مطبوعاتینا داشییاراق بو آجینا قاضی دورومو بیر باشاریق و نائیلیت دئییه قلمه آلماغایا باشلامیش. آشاغیدا نظردن کئچیره جه گیمیز یازی بو دوغرولتودا ایفاده اولونموش؛ اوخویوروق:



"چند روز پیش در یکی از برنامه‌های صداوسیما جمهوری اسلامی ایران، یکی از مجریان این نهاد، گفته است که در کل شهر تبریز تنها در یک مدرسه تدریس درس، به زبان ترکی صورت می‌گیرد. او در ادامه ضمن انتقاد از عملکرد استاندار آذربایجان شرقی، خود را ناراحت از فارسی سخن‌گفتن کودکان ارومیه دانسته و گفته است: «هنگامی که زبان فوق‌العاده شیرین و درجه یکی در این شهر وجود دارد، چرا جوان‌ترها باید به فارسی سخن بگویند؟»<sup>1</sup>

اوسته-کی "قوشا آیراج" ایچینه آلینمیش و یاغلی یازیلیمیش ایفاده نی فارسچا تهراندا چاپ اولان "قانون" گونده لیگی، یوخسا مؤلیف اؤزو تحریف ائتمیش. متن بئله یازیلمالدیر: **"هنگامیکه زبان مادری در این شهر وجود دارد، چرا باید جوانها به فارسی سخن بگویند؟"** دئمک، فارس اولمایان ملی توپولملار مسئله نین نه اولدوغونو باشا دوشممک اوچون تبریز استودیوسوندان یاپیلان خبری فارس مدنیت راسیستلری تحریف ائتمیشلر. فارس ایستعمار یانچیلاری بو تحریف ایله یئتیمگه رک آذربایجان جمهوریتی علییه ده دوشمنلیکلی گیزلتمه میشلر، اوخویوروق:

" احتمالاً اگر این سخنان از شبکه‌های ضدایرانی کشور آذربایجان پخش می‌شد تمام مسئولان از جمله مدیران صداوسیما علیه آن موضع می‌گرفتند اما عجیب است که چنین سخنانی از رسانه ملی پخش می‌شود"<sup>2</sup>

آذربایجان تورکلوگو علییه اولان بئله بیر هیستریک و دوشمنلیک ایله نجه تورک و فارس قارداشلیغیندان سوؤ گنده بیلر مسئله سی آرتیق هر بیر آذربایجان تورکونو دوشوندورمه لیدیر. دئمک، فارس حاکیمیتی مجلسینده قبول اولونموش قانونی حق دئییه اجرا ائتمدیکلری "فتره" بیر یانا قالسین، آذربایجان تورکلوگونون ملی ایستکلرینی سانسور و تحریف ائدرلر. مهرشاد ایمانی گئنه یازمیش:

".. می‌دانیم که کشور ایران در برهه‌هایی از تاریخ معاصر درگیر بحث جدایی طلبی بوده است، از این‌رو حکومت‌های وقت و نیز مردم خطه‌های مورد مناقشه در تمام ادوار سعی کرده‌اند که تمام زمینه‌های استقلال طلبی معاندان را خنثی کنند"<sup>3</sup>

دیل و مدنیت آزدالیغی، انسانلارین اؤز دیل و مدنیتلرینی یاشاتماق آرزوسونو آیریلیقچی دئییه اونلاری حده لمک ایله سوسدورمانین نتیجه سی نین آیریلیق اولاجاغیندان قورخماغا بیله اساس یوخدور. انسانلار اؤزلرینی ائولرینده حیس ائتمزسه لر، اؤزلرینه یئنی ائو قورماق آرزوسونو ماسا اوزرینه یاتیرمیش اولارلار. اوسته لیک بو آیریلیق مسئله سی نند تاریخ بویو مطرح اولمامیش دا یالنیز فارس ایستعمارچیلیغی فارس اولمایان انسانلارین دیل و مدنیتلرینی یوخ ائتمگی اؤزونه بیر دؤلتچیلیک سیاستی و تمامیتچیلیک هدفی دئییه اساس گؤتوردوکن سونرا اورتایا چیخدیغی اوزره اجتماعیت داها آرتیق دوشونمه لیدیر. مهرشاد ایمانی گئنه یازمیش:

"... سیاست‌های حاکمیت سیاسی پیش و پس از انقلاب سال 57 بر اساس حفظ تمامیت ارضی ایران بوده است. شاید به‌همین دلیل باشد که حکام در طول تاریخ معاصر گسترش زبان فارسی را به‌عنوان یکی از اولویت‌های خود مطرح کرده‌اند"<sup>4</sup>.

انسانلیق مقوله سی سونقولانمازسا (رعایت اولونمازسا)، فارس حاکیمیتی نین "حفظ تمامیت ارضی" موضوعسو طویله-دن آرتیق بیر اؤنم و اهیتم داشیابیلمز. دئمک انسانلار اؤز ملی کیملیک و منلیکلرینی یاشاتماق دئییل، اسارته چکیلرسه لر، بو اسارتدن قورتارمانی اؤزلری اوچون شرف دئییه قلمه آلا و لازیم گلرسه ده، آزادلیق اوچون آنلی آچیق اولومو قبول ائتمه لی اولارلار. دئمک، فارس دیلی نین یایلماسی باشقا دیل و مدنیتلرین یوخ ائدیلمه سی باهاسینا دئییل، مدنی ایلگی و ایلشگیلر اساسیندا حیاتا کئچمه لی بیر موضوع دئییه فارس حاکیمیتی نین سیاستینی اولوشدورمالیدیر. باشقا ملی وارلیقلاری یوخ ائتمکله فارس ایمپراتورلوغونو بؤیوتمگی سیاست دئییه هدف سئچمک زامانیندا بو امپراتورلوغون چؤکمه سی ایله فارسلیغین دا ائوی بیخیلماسی سایبلاجاقدیر. مهرشاد ایمانی گئنه یازمیش:

"... شخصی در صداوسیما نظام ایران، از فارسی زبان‌بودن کودکان ارومیه ابراز ناراحتی می‌کند. در خوانش علل چنین موضوعی، اصل بر ناآگاهی مجری است زیرا بعید است که در مجالی ملی، شخصی سخنی مبتنی بر خیانت بزند. از این رو برای آگاه شدن و تنویر افکار مسئولان صداوسیما و مجریان این نهاد ذکر چند نکته لازم است"<sup>5</sup>.

اوسته گؤرونوگو کیمی فارس مدنیت راسیستلیگینه تسلیم اولموشلارا گؤره آذربایجان تورکلوگونون فارسلاشماسی طبیعی بیر حال دئییه قلمه آلینمالی ساییلار. بو اساسدا اجتماعیتی استعمار ائتمک اوچون فارس یابین باسین اورقانلاری و مسئوللارینا یئنی گؤسترگه لر و سفاریشلر ائتمگه چالیشارلار، اوخویوروق:

"یکم، استفاده از واژه زبان «ترکی» صحیح نیست زیرا مردم آذربایجان آذری‌زبان و نه ترک زبان هستند. هنگامی که از واژه زبان ترکی استفاده می‌کنیم، به صورت ضمنی نژاد مردم آذربایجان را ترک قلمداد کرده‌ایم. این دقیقاً همان تحریفی است که نیروهای جدایی‌طلب و معاندان می‌کنند. در حقیقت مردم آذربایجان به‌دلیل منطقه زندگی‌شان که استان‌های آذربایجان باشد، آذری هستند"<sup>6</sup>.

کئچمیش یازیلاردا ایشاره اولوندوغو کیمی "آذری" ایفاده سی بیرینجی یول فارس راسیستلیک شاعیرلریندن اولان "محمد تقی بهار" طرفیندن رضاخان بیر خطابه اولاراق اورتایا آتیلیمیش. خطابه-دن اوخویوروق:

"زندى و سغدى همه بر باد رفت -- پهلوى و آذرى از ياد رفت

رفته بد از بين كلام درى -- گر نگشودند در شاعرى"<sup>7</sup>.

سونرا بو اساسدا فارس مدنیت راسیستلریندن اولان احمد کسروی "آذری یا زبان باستان آذربایجان" ادلی جزوه نی آذربایجان تورکچه سی نین آذربایجانا اؤزگه و بیگانه سایدیرماق اوچون یازمیش. دئمک، بونلار هامیسی فارس مدنیت راسیستلیگی اساسیندا اورتایا قویولموش دانماق (انکار ائتمک) سیاستی نین بیر بؤلومو ساییلار. مهرشاد ایمانی داوام ائدر:

" مردم ایران، ایرانی‌هایی هستند که تحت اقوام مختلف در مناطق گوناگونی از ایران زندگی می‌کنند. واژه ترک ریشه در نژاد غیرایرانی دارد که متاسفانه مجری شبکه یک سیما، با سخنان خود به ترویج چنین دیدگاهی دامن زده است"<sup>8</sup>.

بیلیم و سیاست آچیسیندان (زاویه-سیندن) "ایرانلی" اولماق تابعیت ساییلار. دئمک، ملی کیملیگیندن آسیلی اولمایاراق ایران ممالیکی محروسه سینده دوغولان، فارس ثبت احوال ائداره سیندن شخصی کیملیک کارتی، یوخسا نفوس کاغادینا مالیک اولان و فارس حاکیمیتینه دؤلتچیلیک نظامی و انتظامی دئییه حتی ایستیلیمه-دن تابع توتولان کیمسه دؤلتچیلیک باخیمیندان "ایرانلی (ایرانی)" ساییلار. فارس مدنیت راسیست و فاشیستلرینه گؤره ایسه، "ایرانلی اولماق یالنیز ذاتی فارس اولماق و اؤزونو کئچمیشه یؤنه لیک فارس اولماقلا ایضاح و توجیه ائتمگه چالیشماق ساییلار. اوسته لیک فارس مدنیت راسیستلرینه و فاشیستلرینه گؤره ایران ممالیکی محروسه سیندکی بوگون فارس اولمایان توپلوملار، او جمله-دن آذربایجان تورکلوگو و عربلر نژاد باخیمیندان فارس ساییلمالیدیر. آنجاق موغوللار و عربلر بو ممالیکی محروسه یه ایاق باسدیقلاری و فارسلاری اناباحیلارینا یاخینلاشاراق اولنلارین موغوللوقدا حل اولونموشلاری نین توره مه لری تورک دیللی و عربلیکده حل اولونموشلاری ایسه عرب دیللی اولموشلار. بنله لیکله فارس مدنیت راسیستلری و فاشیستلری اؤز منلیکلری و کیملیکلرینه ده توهین ائتمیش اولارلار. فارس مدنیت راسیستلرینه گؤره ایران دیل قوروپوندا یئر آلان کورد، بلوچ، لور، طالیش، مازنی، شهمیرزادی... و باشقالاری دا فارسلیغین آشاغی باساناقلاری و سکیلری ساییلار. بو ملی توپلوملار دا مدنیشمک اوچون فارسلاشمالی ایمیشلر!!".

دئمک، ایرانلی اولماق هانکی دیل و مدنیت داشیماق آنلامیندا دئییل، یالنیز تابعیت ماهیتی داشییار. "ایرانی"، "غیر ایرانی" آنلاییشینا گلدیکده فارسچانین اسکی و قدیم قایناقلاربندان تاینیان فردوسی نین شاهنامه اثرینه گؤره ایران آنلاییشی بوگونکو ایران توپراقلاری ساییلماز؛ بو دوغرولتودا فردوسیدن اوخوبوروق:



"سپه را ز زابل به ایران کشید

به نزدیک شهر دلیران کشید.

(فرض اولموش) دوشمن زابل شهریندن، عباسیلر، اسلام خلیفه لیگی دؤلتی طرفیندن قوشونو ایگیتلر مملکتی ایرانا (غزنه و قندهار ولایتلرینه) یاخینلاتدی.

چو از شهر زابل به ایران شوم

به نزدیک شاه دلیران شوم

زابل شهریندن ایرانا (قزنه لیلر دؤلتینه، قندهار و غزنه ولایتلرینه) گئتم، ایگیتلر شاهینا یاخینلاشارام.

چه باید مرا جنگ زابلستان

و گر جنگ ایران و کابلستان .."<sup>9</sup>

اوسته خریطه-ده گؤرونوگو بوز(خاکستری) بویاقلی تورپاقلار غزنه لیلر زامانینداکی ایران تورپاقلاری ساییلارمیش. اوندان اؤنجه کی قدیم ایران ایسه یونان و ایتالیا لیلر طرفیندن "اورتا آسیا ایله

هیند چایی" آراسینداکی بؤلگه یه وئرلیمیش "آریانا" یونانجا  $\text{Ar}(\epsilon) \text{ ianē}$  ساییلارمیش<sup>10</sup>. غزنه لیلر یئنیلگه و شکسته اوغرادیقدان سونرا تورک سلجوق شاهلاری بوگونکو ممالیکی محروسه یه آیق باسارکن حاکیمیتچیلیک توپراقلارینا بیر انتیکنت اولاراق "ایران" کلمه سینی ده آرتیراراق بو توپراقلاری "ایران ممالیکی محروسه سی" آدلاندیرمیشلار. دئمک، اوگئی یوخسا دوغما آختاران فارس مدنیت راسیستلری و فاشیستلری اوز آنا یوردلارینی و دوغمالارینی "هند چایی ایله اورتا آسیا" آرالاریندا یئر آلمیش پامیر چؤللرینده تاپایلرلر. مهرشاد ایمانی گننه یازمیش:

"دوم، مجری برنامه با استناد به قانون اساسی خواستار تدریس دروس، به زبان «ترکی» است و متاسفانه استنادار استان آذربایجان شرقی نیز با حالتی مغموم می‌گوید که اکنون کتب درسی ترکی نداریم. مجری و استنادار، به‌طور کامل در خوانش قانون اساسی دچار خطا هستند و شاید یک‌بار نیز متن اصل 15 قانون اساسی جمهوری اسلامی ایران را خوانده باشند. این اصل مقرر می‌دارد: «زبان و خط رسمی و مشترک مردم ایران فارسی است. اسناد و مکاتبات و متون رسمی و کتب درسی باید با این زبان و خط باشد ولی استفاده از زبان‌های محلی و قومی در مطبوعات و رسانه‌های گروهی و تدریس ادبیات آنها در مدارس، در کنار زبان فارسی آزاد است»<sup>11</sup>.

اوسته ایسلام آدینا حاکیم اولموش جمهوری ایسلامی نین آنا یاساسی نین اون بئشینجی اصلینه گوره فارس دیلی نین یانی سیرا باشقا دیلرین ایستر یابین باسین اورتاقلاریندا و ایسترسه ده مدرسه لرده اوخونماسی آزاد ساییلار. دئمک، بو قدر آجیق و آشکار بیر ایفاده نی مؤلیف اورتایا قویا قویا آجیق و آشکار ایران ممالیکی محروسه سی نین نفوسونون یوزده یئتمیشی نین دیل و مدینتی علیینه موضع توتماسی و اونلاری فارسلیقدا یوخ ائتمگه اصرارلی اولدوغو اورتایا چیخار. دئمک، فارس اولمایان ائتنوسلار فارس ایستعمارچیلیغی ایله بیر دفعه لیک تکلیفلرینی بللی ائتمه لی و اوز باشلاری نین چاراسینی قیلمالیدیرلار. مهرشاد ایمانی اوسته آجیق اورتایا قویموش اون بئشینجی اصلیدن نتیجه آلا، اوخویوروق:

"در وهله نخست، اصل 15 قانون مذکور نگارش تمام کتب درسی را مقید به زبان فارسی کرده است. از این رو به‌طور کلی امکان تدریس کتب درسی به زبان آذری وجود ندارد. دیگر آنکه قانونگذار اساسی استفاده و تدریس «ادبیات» زبان‌های قومی را آزاد دانسته و در صدر اصل بر استفاده از زبان فارسی تاکید کرده است و روا نیست که در صداوسیما جمهوری اسلامی ایران تحریف قانون اساسی رخ دهد»<sup>12</sup>.

بیر داهای اوسته نقد ائتدیگیمیز عیبارتده گوردوگونوز عیبارتی "تدریس ادبیات آنها در مدارس در کنار زبان فارسی آزاد است" ایفاده نی مهرشاد ایمانی گوردوز حرکت ائده رک تورک دیلی نین درس وئرلیمه سینه ایران آنا یاساسیندا (قانون اساسیده) یئر وئرلیمدیگینی ادعا ائدر. بئله لیکله گوز گوره سی و انسانلارین گوزلری نین ایچینه باخاراق یالان دانیشماغا و فارس مطبوعاتیندا یالان یایماغا چالیشار. مهرشاد ایمانی دانماق (انکار) سیاستینی ایفاده ائتدیکدن سونرا نتیجه آلا؛ اوخویوروق:

"... حاکمیت سیاسی طی سال‌های متمادی تلاش ویژه‌ای برای ایجاد پیوند عمیقی میان اقوام ایرانی تحت یک پرچم و یک زبان واحد کرده است. بنابراین بر مبنای اصل 15 قانون اساسی به‌هیچ‌وجه نباید از فارس‌زبان بودن کودکان ارومیه یا هر شهر دیگری ناراحت بود. از قضا اگر فرزندان این خاک به زبان فارسی سخن می‌گویند، نشان‌دهنده توفیق سیاست‌های ملی بوده است»<sup>13</sup>.

اوسته گوردوگوو کیمی بوگونه دک اسلام جمهوریسی آدی آلتیندا فارس اولمایان ملی توپولوملاری؛ او جومله-دن تورکلری، عربلری، تورکمنلری، کوردلری، لورلاری ... فارس حاکیمیتی نین فارسلاشدیرماسی فارس حاکیمیتی نین بیر "ملی سیاستی" (سیاست ملی) دئییه قلمه آلینار. دئمک، فارس اولمایان توپولوملارین دیل و مدینتیرینی یوخ ائتمک فارس حاکیمیتی نین "ملی سیاستی" دئییه فارس ایستعمارچیلیق سیاستی نین اساسینی اولوشدورار. مهرشاد ایمانی سون اوخونو دا فارسلیغا آتاراق یازمیش:

".. در نهایت از پس دیدن و شنیدن چنین سخنانی از صدا و سیما می‌توان گفت که یا مسئولان صداوسیما در خوابی سنگین به سر می‌برند یا آنکه در پی اقتدار سیاسی و ارضی ایران نیستند که بدون هیچ نگرش ملی، برنامه‌هایی بی‌محتوا و کاملاً غیرتخصصی را می‌سازند"<sup>14</sup>.

سون سوژ اولاراق بو فارس مدنیت راسیستلری و فارس فاشیستلرینه دئمک لازیم: ایران ممالیکی محروسه سینده کی فارس اولمایان انسانلار، او جومله-دن آذربایجان تورکلوگو بوگونه ده فارس مدنیت راسیستلیگی و فاشیستلیگینه دئیل، اسلام و اسلامیتہ تمکین ائتمیشلر. دئمک، آذربایجان تورکلوگو بو چیرکین اویونلاری باشا دوشدوکدن سونرا ایسلامیتی و دین خادیملرینی ده اؤز یانینا آلاراق چیگین چیگینه فارس ایستعمارچیلیغینی فارس بؤلگه لرینه گئری اوتورتمانی اؤزونه انسانلیق وظیفه سی قلم آلاجاق گؤرونر.

ایشیق سؤنمز، 09.02.2018

---

1 مهرشاد ایمانی، روزنامه نگار، سخنان ضد ملی در صداوسیما به ظاهر ملی، تاریخ: ۱۹/۱۱/۱۳۹۶ - شماره: 1140  
<http://www.ghanoondaily.ir/fa/news/main/96623/سخنان-ضد-ملی-در-صداوسیما-به-ظاهر-ملی>

2 مهرشاد ایمانی، باخ اورادا.

3 مهرشاد ایمانی، باخ اورادا.

4 مهرشاد ایمانی، باخ اورادا.

5 مهرشاد ایمانی، باخ اورادا.

6 مهرشاد ایمانی، باخ اورادا.

7 محمد تقی بهار، دیوان، خطابه دوم به رضا شاه.

8 مهرشاد ایمانی، باخ اورادا.

9 ابولقاسم فردوسی طوسی، شاهنامه.

10 Pliny, *Naturalis Historia*, book vi, London 1952, page 23

11 مهرشاد ایمانی، باخ اورادا.

12 مهرشاد ایمانی، باخ اورادا.

13 مهرشاد ایمانی، باخ اورادا.

14 مهرشاد ایمانی، باخ اورادا.